

Кучемыште



# Илыме вер ешаралтеш

**Марий Элым вуйлатыше Александр Евстифеев 25 февральыште РФ Кугыжаныш Советын «Строительстве, илыме вер да коммунальный озанлык, ола кундем» направлений дене пашам ыштыше комиссийжын заседанийыштыже участвоватлен. Тудым РФ президентын польшкышыже, РФ Кугыжаныш Советын секретарьже Игорь Левитин, РФ правительстве председателын алмаштышыже Марат Хуснуллин да комиссийын председателже Татарстаным вуйлатыше Рустам Минниханов эртареныт.**

Исполнительный кучемын федеральный ден региональный органже-влакын енышт дене мутланымаш видеоконференцкыл кучымаш йӧн дене эртен.

РФ президентын польшкышыже, РФ Кугыжаныш Советын секретарьже Игорь Левитин 2030 ийлан палемдыме цельыш шушашлан Российын правительстве стратегический виангмаш шотышто направленийлам рашемден палемден манын каласен.

РФ правительстве председателын алмаштышыже Марат Хуснуллин тидым ушештарен: 2030 ийлан илыме вер условийым 5 миллион деч шагал огыл ен саемдышаш. Тидлан 1 миллиард квадратный метр илыме верым чогааш кӱлеш: элыште кажне визымше квадратный метрым уэмдыман. Ий еда 120 миллион квадратный метрым пашаш колтыман, палемден Марат Хуснуллин.

«Илыме вер да ола кундем» национальный проект шотышто проектный

комиссийын заседанийжын протоколжо дене келшышын, Марий Эллан илыме верым пашаш колтымо шотышто тыгай показатель-влакым палемдыме: 2021 ийыште – 363 тӱжем кв. метр; 2022 ийыште – 386 тӱжем кв. метр; 2023 ийыште – 426 тӱжем кв. метр; 2024 ийыште – 478 тӱжем кв. метр.

Коронавирусан инфекций шарлыме условийыште экономикым ушанлын виангден толаш йӧным ыштыме шумлык Марий Эл правительствын мерым ыштымыжлан кӧра 2020 ийын итогшо почеш республикыште социально-экономический виангмашын ятыр тӱн показателже шотышто палынак ончыко тошкалме, мутлан, чонымаште шуктымо паша кугыт 19,7 процентлан ешаралтын да 22,7 миллиард тенгеш шуын. Тидын годымак чараклыше мерым ыштымылан кӧра ятыр показател иземын, тидын шотыштат илыме верым 7 процентлан шагалак пашаш колтымо.



Национальный проект-влакым шуктен толмаш республикым ушанлын виангдымашке викарталтын. Кодшо ийын итогшо почеш нуным шукташ финансированийын чыла источникше кӱшеш 10,2 миллиард тенгем колтымо, тидыже 2019 ийысе деч 1,6 гана шукурак.

Регионым писынрак виангдышашлан 2020 ийыште республикым 2020-2024 ийлаште социально-экономически виангдыме шотышто феде-

ральный кӱкшытыштӧ приниматлыме индивидуальный программывн мероприятийлажым шукташ тӱналме. Талукын итогшо почеш, федеральный ден республиканский бюджетын средствашт кӱшеш 1 миллиард утла тенгем кучылтмо.

**Марий Эл Республикым вуйлатышын организаций да аналитике виктемжын уверже негызеш Павел ШАКИРОВ ямдылен Д.Речкинын фотожо**

**ПАЛЕН ШОГЫЗА!**

«Единый Россий» партийын Председательже Д.А.Медведевын региональный общественный приёмныйжын пашажым жаплан дистанционный режимыш кусарыме.

Чыла йодышым Йошкар-Ола, Гагарин проспект, 8-ше пӧрт, 102-шо кабинет, тыгак opp mari@mail.ru адресыш электронный почто дене колтен але 63-00-39, 45-23-07 телефон дене йынгыртен пуэн кертыда.

**«Единый Россий» партийын Председательже Д.А.Медведевын региональный общественный приёмныйжыжыжо Марий Эл Республикын Кугыжаныш Погынжын да «Йошкар-Ола» ола округын депутатше-влакын погынымашыштын депутатыштын 2021 ий мартыште граждан-влак дене вашлийын мутланыме ГРАФИК**

2 март, 10-13 шагат – Александр Варсонофьевич Павлов, «Единый Россий» партийын Председательже Д.А.Медведевын региональный общественный приёмныйжым вуйлатыше, Марий Эл Республик Кугыжаныш Погын депутат, «Церкысола ялысе потребительский обществе» ПК советын председателже

3 март, 10-13 шагат – Максим Вячеславович Бронников, Марий Эл Республик Кугыжаныш Погын депутат, РМЭ «Республиканский противотуберкулезный диспансер» кугыжаныш бюджет учрежденийын врачше-торакальный хирург

4 март, 10-13 шагат – Александр Алексеевич Смирнов, «Единый Россий» партийын Марий региональный отделенийжын исполнительный комитетшым вуйлатыше

9 март, 10-13 шагат – Екатерина Динаровна Вахитова, Марий Эл Республик Кугыжаныш Погын депутат, «ТНС энерго» ГК ПАО-н генеральный директоржын алмаштышыже-«ТНС энерго Нижний Новгород» ПАО-н управляющий директоржо

10 март, 10-13 шагат – Игорь Александрович Загайнов, «Йошкар-Ола» ола округын депутатше-влак погынымашын депутатше, кӱшыл образований «Межрегиональный открытый социальный институт» АНО-н ректоржо

11 март, 14-17 шагат – Александр Леонидович Бастратов, «Йошкар-Ола» ола округын депутатше-влак погынымашын депутатше, «Йошкар-Ола газпром газораспределение» ООО-н Йошкар-Оласе филиалжын директоржо

## 14 ийым пуэныт

Суд зал гыч

**Йошкар-Олан ончычсо мэрым эше ик гана судитленыт.**

Йошкар-Оласе суд Павел Плотников шотышто кодшо кечылаште эше ик пунчалым луктын. Тудым взяткым налмыжлан титаканлан шотленыт.

Марий Элысе прокуратурын пресс-службыжын палдарымыж почеш, 2005 ий февраль гыч 2007 ий февраль марте «Йошкар-Ола» ола округын муниципал погыж дене пайдаланыме шотышто комитет вуйлатышын алмаштышыжлан ыштымыже да вуйлатышын сомылжым жаплан шуктымыж годым Плотников ик предприниматель деч олаште чонымы 2 гаражым взятке семын налын. Нунын акышт – 730 тӱжем тенге. Тидлан тудо бизнесенлан гараж комплексым чогааш разрешительный манме документацийым ышташ да мланде участкым арендыш шулдо ак дене налш полшен.

Ведомствын ушештарымыж почеш, 2018 ий сентябрьыште ончычсо мэр тыгай сынан преступленийым ыштымыжланак судитлалтын. Тунам суд тудым эрык деч посна 10 ийлан кодаш да взяткылан пачерым налмыжлан 17 миллион тенге штрафым тӱлыкташ пунчалым луктын.

Ончыч палемдыме наказанийым шотыш налын, суд Плотниковым кызыт 14 ийлан эрык деч посна кодаш, пенгыде режиман колонийыш колташ, 23 миллион тенге штрафым тӱлыкташ пунчалым луктын. Ешартыш наказаний семын суд олан ончычсо мэрым «Марий Эл Республикын сулло юристше» чаплӱм деч посна кодаш пунчалын. Тыгак кугыжанышын доходошкыжо 730 тӱжем тенгем колтымо.

Приговор законный вийым эше налын огыл.

Л.КАМАЛЕТДИНОВА

**2021 ий мартыште общественный приёмныйшто граждан-влак дене вашлийын мутланыме ГРАФИК**

**Приёмным эртарыме вер:** «Марий Эл Республикын Мер-политике рӱдерже» кугыжаныш бюджетный учреждений, Йошкар-Ола, Гагарин проспект, 8-ше пӧрт, 116-шо пӧлем.

**Приёмным эртарыме жап:** 14 гыч 17 шагат марте.

Приёмным, 42-27-00, 42-25-47 телефон дене йынгыртен, ончылгоч возалташ лиш.

9 мартыште – Михаил Николаевич Полубарьев, Марий Эл Республикын промышленность, экономический виангмаш да торговльо министржын алмаштышыже, электрический ден шокшо энергийлан тарифым тӧрлен шогышо отделым курироватла

10 мартыште – Марина Васильевна Варсегова, Марий Эл Республикын «Марий Эл Республикысе Йошкар-Олаште калык-клан социальный польшым пуымо рӱдер» ГКУ-жым вуйлатыше

11 мартыште – Алевтина Владимировна Москвина, Марий Эл Республикыште Паша шотышто кугыжаныш инспекцийым вуйлатыше-Марий Эл Республикыште паша шотышто тӱн кугыжаныш инспектор

16 мартыште – Надежда Валерьевна Царгородцева, «Калык юрист» правовой польшым пуышо региональный общественный организацийын представительже

17 мартыште – Михаил Викторо-

вич Данилов, Марий Эл Республикын элкӧргӧ политике, верысе самоуправленийым виангдымаш да юстиций министрже

18 мартыште – Алексей Владимирович Красильников, Марий Эл Республикын «Сар-влакын ветераныштын республиканский клинический госпитальышт» ГБУ-жын тӱн врачше

23 мартыште – Владимир Владимирович Орехов, РФ Пенсионный фондын Марий Эл Республикысе отделенийже кугыжаныш учрежденийын управляющийже

24 мартыште – Рудольф Иванович Золотарёв, Марий Эл Республикым вуйлатышын администратийжым вуйлатышын алмаштышыже, Марий Эл Республикым вуйлатышын кугыжаныш-правовой управленийжын начальникше

25 мартыште – Александр Иванович Майоров, «Марий Эл Республикысе профсоюз организаций-влакын объединенийышт» ушемдын председателжын алмаштышыже

30 мартыште – Алексей Николаевич Киселёв, Марий Эл Республикын пӱртӱс ресурс, экологий да йырым-йырысе средам аралыме министрже

31 мартыште – Фанис Харисович Мухаметгалиев, Марий Эл Республикыште Айдемын праваж шотышто уполномоченный

**Кӱкшынын аклыме**

Жилищно-коммунальный озанлыкым виангдымашке надырым пыштымыжлан да шуко жап сайын пашам ыштымыжлан Йошкар-Оласе «Марикоммунэнерго» ООО-н централизоватлыме олмыктымаш цехышын газ служба начальникше Александр Леонидович Костроминлан Марий Эл Республикым Вуйлатыше А.Евстифеевын 2021 ий 11 февральысе 19-ше №-ан Указше дене «Марий Эл Респуб-

ликысе жилищно-коммунальный озанлыкын сулло пашаенже» почетан лӱмым пуымо.

Энергетикышке кугу надырым пыштымыжлан да шуко ий сайын тыршымыжлан Йошкар-Оласе «Энергий» акционер общественный директоржо Илья Владимирович Соловьевлан Марий Эл Республикым Вуйлатыше А.Евстифеевын 2021 ий 11 февральысе 18-ше №-ан Указше дене «Марий Эл Республикын сулло энергетикше» почетан лӱмым пуымо.